

## SURXONDARYO VILOYATI DAVRIY MATBUOTI YUKSALISHIDA SOHA XODIMLARINING XIZMATI

*Yo'ldosheva Zubayda Hamidovna, Termiz davlat pedagogika  
instituti o'qituvchisi*

## SERVICE OF FIELD EMPLOYEES IN THE ESTABLISHMENT OF THE PERIODIC PRESS OF SURKHONDARYO REGION

*Yoldosheva Zubayda Hamidovna, teacher of Termiz State Pedagogical  
Institute*

## УСЛУГА СОТРУДНИКОВ СМИ В СОЗДАНИИ ПЕРИОДИЧЕСКОЙ ПРЕССЫ СУРХАНДАРЬИНСКОЙ ОБЛАСТИ

*Юлдашева Зубайда Хамидовна, преподаватель  
Термезского государственного педагогического института*

**Annotatsiya:** Bugungi kunimizga kelib, garchi ommaviy axborot vositalari elektron ko'rishga kelgan bo'lsa-da, ammo XX asrning oxiri - XXI asrning dastlabki o'n yilligida gazeta, jurnal va boshqa ommaviy axborot vositalarining ahamiyati beqiyosdir. Mamlakatimizda ushbu soha rivoji uchun jonini fido qilgan insonlar ko'p.

**Kalit so'zlar:** matbuot, gazeta, Mengziyo Safarov, Xayitov To'lqin, ommaviy axborot vositalari, «Surxon tongi», Jumayeva Gavhar.

**Abstract:** Today, although the mass media has become electronic, the importance of newspapers, magazines and other mass media in the late 20th century and the first decade of the 21st century is incomparable. There are many people in our country who gave their lives for the development of this industry.

**Key words:** press, newspaper, Mengziyo Safarov, Khaitov Tolkin, mass media, «Surkhan tongi», Jumayeva Gavhar.

**Аннотация:** Сегодня, хотя средства массовой информации стали электронными, значение газет, журналов и других средств массовой информации в конце XX века и первом десятилетии XXI века несравнимо.

**Ключевые слова:** пресса, газета, Менгзиё Сафаров, Хаитов Толкин, средства массовой информации, «Сурхан тонги», Джумаева Гавхар.

**KIRISH.** Surxondaryo hududining Shimol, Shimoli-sharq va Sharq tomondan Tojikiston, G'arbdan Turkmaniston, yer yuzining qaynoq nuqtalaridan biri Afg'oniston bilan janub tomondan Amudaryo orqali chegaralanishining o'zi aholining shuuri doimiy uyg'oq bo'lishi kerakligini taqozo etadi. Bunday sharoitda matbuotning zimmasiga katta mas'uliyat yuklanadi. Surxonlik

OAVlaridan yanada zalvorli maqolalar, fidoyilik talab etiladi. 2016-yilda viloyatda 30 dan ortiq gazeta, 2 jurnal, 5 televideniye va bir radio faoliyat ko'rsatib kelayotganligini qayd etish mumkin. Viloyatning deyarli barcha nashrlarida vatanga muhabbat, insonparvarlik ruhi, shu bilan birga, odam savdosi, giyohvandlik, aqidaparastlik kabi muammolar aks etgan maqolalar berib borilgan.



[https://orcid.org/  
0009-0008-8258-376X](https://orcid.org/0009-0008-8258-376X)

*e-mail:*  
[zyuldasheva74@gmail.com](mailto:zyuldasheva74@gmail.com)

Ayniqsa, viloyat hokimligining ijtimoiy-siyosiy gazetasi «Surxon tongi» va «Zarya Surxan»lar alohida eʼtirofga loyiqdir. Nashr haftada ikki marta chop etilgan. Ushbu gazeta sahifalarida viloyat ijtimoiy-siyosiy, iqtisodiy hayotiga doir faktlarga boy, pishiq materiallar va maqolalar chop etib boriladi. Gazeta nashrlarida mahalliy aholining turmush tarzi va faoliyati, siyosiy huquqlari, adabiyot va sanʼatni targʻib qilishga ham alohida eʼtibor qaratiladi. Surxondaryo viloyatida shunday insonlar borki, ular vohada matbuot sohasida bir umr ishlagan va umrini baxshida qilgan. Shunday insonlardan biri – bu *Mengziyo Safarov* 1938-yil 10-iyunda Denov tumanining Xayrobod qishlogʻida tugʻilgan. 1962-yilda Toshkent Davlat universitetining tarix va qadimshunoslik fakultetini bitirgan. Dastlab Oʻzbekiston xalqlari tarixi muzeyida ilmiy xodim, 2 yil Uzun tumanidagi Oydin nomli maktabda oʻqituvchilik qildi. 1965-yilning kuzida Termizga kelib, viloyat gazetasi «Lenin bayrogʻi» (hozirgi «Surxon tongi»)da, viloyat radioeshittirish qoʻmitasida turli vazifalarda faoliyat olib bordi. 8 yil «Paygʻambar oroli» qoʻriqxonasida ilmiy ishlar boʻyicha direktor muovini boʻlib ishladi. 20 yil davomida Oʻzbekiston Respublikasi yozuvchilar uyushmasining Surxondaryo viloyat boʻlimini boshqardi.

*Alimardon Boʻronov* 1948-yil 5-mayda Surxondaryo viloyatining Oltinsoy tumanida tugʻilgan. 1978-yilda Termiz davlat universitetining Filologiya fakultetini tamomlagan. Oʻzbekiston Yozuvchilar uyushmasi aʼzosi. Alimardon Boʻronov yillar mobaynida Surxondaryo viloyatining «Surxon tongi» gazetasi vazifalarida faoliyat yuritgan. U jurnalistik faoliyati davomida badiiy ijod bilan ham shugʻullangan. «Surxon tabassumi», «Yoshlar ovozi», «Shaytonning malayi», «Boshsiz odam» kabi kitoblari, publitsistik maqolalari chiqqan. Oʻzbekiston Respublikasi «Oltin qalam» va «Mushtum» mukofotlari sovrindori.

*Xoʻjamurod Toshtemirov* (1949—1998). Adib va jurnalist X.Toshtemirov Surxondaryo viloyati Angor tumanida tugʻilgan. «Ilgʻor» (Hozirgi «Angor yogʻdusi» gazetasi) gazetasida muxbir, boʻlim mudiri, bosh muharrir lavozimlarida faoliyat koʻrsatgan. «Oynadan oʻpkalama» (1995), «Chorrahasi koʻpdir umrning» (1997) kitoblari muallifi. Hikoya va hajviyalari «Yulduzlar

charaqlaganda», «Hajv guldastasi», «Surxon tabassumi», «Angor armugʻoni» kabi toʻplamlari mavjud.

*Eshmurodov Rustam Roʻziboyevich* 1955-yil 4-aprelda Sherobod tumanida tugʻilgan. Oliy maʼlumotli jurnalist-siyosatchi. ToshDU (hozirgi Milliy universitetning jurnalistika fakultetini tamomlagan). Toshkent Oliy partiya maktabini tugatgan. 1975-yildan Qiziriq (sobiq Lenin yoʻli) tumani «Lenin yoʻli» gazetasida mehnat faoliyatini boshlagan. Gazetada musahhah, fotomuxbir, muxbir, boʻlim boshligʻi vazifalarida ishlagan. 1985-yildan 2001-yilgacha Qiziriq tuman ichki ishlar boʻlimi boshligʻining siyosiy ishlar boʻyicha oʻrinbosari, tuman partiya qoʻmitasi yoʻriqchisi, litsey direktorining oʻquv-tarbiyaviy ishlar boʻyicha oʻrinbosari vazifasida faoliyat yuritgan. 2001-yildan «Qiziriq ovozi» hozirgi «Taraqqiyot» gazetasi muharriri oʻrinbosari, 2009-2010-yillarda Bandixon tumani «Bandixon ovozi» gazetasi muharriri, 2012-2020-yillarda «Angor yogʻdusi» gazetasi muharriri vazifalarida ishlagan va ayni paytda nafaqaga chiqqan. Bundan tashqari, «Qiziriqlik shifokorlar», «Jarqoʻrgʻon tibbiyoti: kecha va bugun», «Oltinsoyning oq xalatli insonlari», «Angor tibbiyoti», «Almanax» kabi Surxondaryo tibbiyotiga oid kitoblar muallifi. Shuningdek «Xoʻjayipok ota», «Takiya ota», «Unutilmagan siymolar», «Yaxshilar yoʻli» kabi kitoblar muallifi.

*Xayitov Toʻlqin* 1957-yil Sariosiyo tumanida tugʻilgan. 1981-yil Texnika rus tili va adabiyoti institutini tamomlagan. Mehnat faoliyati davomida 1993-2006-yillarda «Oʻzbekiston» davlat teleradiokompaniyasi bosh direktor oʻrinbosari, bosh muharriri, katta muharriri, guruh rahbari, 2006—2012-yillarda «Oʻzbekiston» nashriyot-matbaa ijodiy uyi «Tong yulduzi» gazetasi bosh muharriri, 2012—2013-yillarda «Tengdosh» gazetasi bosh muharriri, 2013-yildan buyon OʻzRFA Temuriylar tarixi davlat muzeyi katta ilmiy xodimi lavozimida ishlab kelmoqda [3]. «Meni kechir, bolajon» (1991), «Dashnobod hangomalari» (1992), «Vafo malikasi» (2005), «Qora Shahzoda» (2007) nasriy asarlari va «Ulugʻ Amir oʻgʻitlari» (2004), «Shohi Zinda» (2005), «Amir Temur haqida hikoyalar» (2009) [4] kabi tarixiy janrdagi asarlari chop etilgan. «Eng ulugʻ, eng aziz» Respublika koʻrik-tanlovining gʻolibi (2009), Oʻzbekistonda xizmat koʻrsatgan madaniyat xodimi (2011),

Qirg'iziston Respublikasi FANing Xalqaro Chingiz Aytmatov nomidagi mukofot sovrindori (2020).

*Jo'raqul Tursunov* 1961-yilning 1-aprelida Denov tumanida tug'ilgan. Toshkent davlat madaniyat institutiga kirib, 1984-yilda institutni imtiyozli diplom bilan tugatgan. 1986-1987-yillarda 19-maktabda kutubxona mudiri bo'lib ishlagan. 1987-1991-yillarda Yurchidagi 9-hunar texnika bilim yurtida tarbiyaviy ishlar bo'yicha direktor o'rinbosari bo'lib ishlagan. 1991-1992-yillarda Denov radiosida muharrir, 1992-1997-yillarda Denov televideniyesida bosh muharrir va direktor lavozimlarida ishlagan. 1997-2014-yillarda O'zbekiston teleradiokompaniyasining «Axborot» ko'rsatuvida maxsus muxbir bo'lib ishlagan. Afg'oniston Islom Respublikasidan ham turkum ko'rsatuv va lavhalar tayyorlagan. 1999-yil O'zbekiston mustaqilligining 8 yilligi munosabati bilan «Shuhrat» medali bilan mukofotlangan. «O'zbekiston mustaqilligiga 15 yil» va «O'zbekiston mustaqilligiga 25 yil», 2004-yilda «O'zbekiston xalq ta'limi homiysi», 2023-yilda «O'zbekiston qishloq xo'jaligi fidoyisi» ko'krak nishonlari bilan taqdirlandi.

*Karimov Axtamqul Sattorovich* 1964-yilning 20-martida Surxondaryo viloyati Sariosiyo tumanidagi Shotiro'd qishlog'ida dehqon oilasida tavallud topgan. 2008-yilda O'zbekiston Yozuvchilar uyushmasiga a'zo bo'ldi. Axtamquli «Bodomginam» (2003), «Qorachiqa asraganimsan» (2005), «Bahorimdan kechikkan gul» (2007), «Qirq g'azal» (2009), «Boshimda osmon aylanar» (2014), «Qarog'imda gullaydi Vatan» (2016), «Ko'z chamani» (2020), «Ismingni yurakka yashirdim» (2021) nomli she'riy hamda «Ibratli hayot» (2005), «Baxt izlagan odam» (2007), «Yakkabog'da ulg'aygan chinor» (2013) nomli biografik qissalari va «Tog'lar ham qariydi» (2012), «Lolazorim Shotiro'd» (2020) nomli hikoyalar to'plami muallifidir. O'zbekiston Qahramoni, O'zbekiston xalq shoiri Abdulla Oripovning e'tirofiga sazovor bo'lgan.

*Shuhrat Azizov* 1978-yil 28-mayda Surxondaryo viloyatining Denov tumanida tug'ilgan. 2000-yilda O'zbekiston Milliy universitetining jurnalistika fakultetini tamomlagan. O'zbekiston Yozuvchilar uyushmasi a'zosi. Shuhrat Azizov 2000-2020-yillar mobaynida Denov tumani «Chag'oniyon» gazetasida musahhah, muxbir,

mas'ul kotib, bosh muharrir o'rinbosari vazifalarida faoliyat yuritgan. «O'zbekiston adabiyoti va san'ati» gazetasining mas'ul kotibi bo'lib ishlagan. U jurnalistik faoliyati davomida badiiy ijod bilan ham shug'ullangan. «Bir tomchi osmon» she'riy, «Zoyir akaning gulxanlari» publitsistik maqolalar to'plamlari nashrdan chiqqan. «O'zbekiston Respublikasi mustaqilligining 30 yilligi», «O'zbekiston Respublikasi Konstitutsiyasining 30 yilligi» ko'krak nishonlari bilan taqdirlangan.

*Boboqalanov Ilhom O'rinboevich* 1983-yil Uzun tumanida tug'ilgan. 2006-yil O'zbekiston davlat jahon tillari universitetining xalqaro jurnalistika yo'nalishini tamomlagan. 2016-yildan «Bobotog' tongi» gazetasida bosh muharrir lavozimida ishlab kelmoqda.

*Feruza To'rayeva* 1986-yil 28-dekabrda Surxondaryo viloyatining Denov tumanida tug'ilgan. 2014-yilda O'zbekiston Milliy universitetining jurnalistika fakultetini tamomlagan. O'zbekiston Yozuvchilar uyushmasi a'zosi. Feruza To'rayeva 2006-2010-yillar mobaynida Denov tumani «Chag'oniyon» gazetasida musahhah, muxbir vazifalarida faoliyat yuritgan. 2012-2013-yillarda Toshkent shahar «Huquqshunos-yurist» jurnali musahhihi, 2013-2014-yillarda Toshkent shahar «Sog'lom avlod uchun» jurnali bo'lim boshlig'i, 2014-2019-yillarda Denov tumani «Chag'oniyon» gazetasi muharrir o'rinbosari vazifalarida ishlagan. Ayni paytda Denov tumani hokimi matbuot kotibi, axborot siyosati masalalari bo'yicha maslahatchisi lavozimida faoliyat yuritib kelmoqda. U jurnalistik faoliyati davomida badiiy ijod bilan ham shug'ullangan. «Yo'lovchi» hikoyasi va publitsistik maqolalari ham chet elda nashrdan chiqqan. «Yil ayoli» tanlovi tuman g'olibi, shuningdek, O'zbekiston Respublikasi Oliy Majlisi Senatining 2021-yil 22-apreldagi qarori asosida «Ijtimoiy tashabbus» Respublika ko'rik-tanlovida «Eng yaxshi ijtimoiy tashabbuskor hokimlik» nominatsiyasi g'olibi, 2022-yilda ommaviy axborot vositalarida eng faol yoritilgan, tizimda ochiqlik va shaffoflikni namoyon etgan, xalq bilan ishlashda samarali natijalarga erishgan davlat va xo'jalik boshqaruvi organlari, jamoat tashkilotlari o'rtasida Rost24.uz sayti tomonidan o'tkazilgan an'anaviy «Yil tanlovi»da Surxondaryo viloyatining Denov tumani «Respublikada eng yaxshi tuman» yo'nalishida 1-o'rinni egalladi. O'zbekiston

Respublikasi Prezidentining 2019-yil 27-iyundagi «Ommaviy axborot vositalari mustaqilligini ta'minlash hamda davlat organlari va tashkilotlari axborot xizmatlari faoliyatini rivojlantirish bo'yicha qo'shimcha chora-tadbirlar to'g'risida»gi qaroriga asosan, Axborot va ommaviy kommunikatsiyalar agentligiga axborot xizmatlari rahbarlari faoliyati samaradorligini baholash va ularning reytingini e'lon qilib borishda Feruza To'rayeva 1-o'rinni egalladi.

*Jumayeva Gavhar Toshtemirovna* 1989-yil Angor tumanida tug'ilgan. 2007-yil O'zbekiston Milliy universitetini bitirgan va uzoq yillar Surxondaryo viloyati televideniyesida ishlagan. 2018-yilda «Angor yog'dusi» gazetasi muxbiri sifatida ishlagan hamda hozirgi kunda Angor tuman hokimligi axborot xizmati rahbari [5].

**XULOSA.** Mustaqil O'zbekistonning iqtisodiy-ijtimoiy, siyosiy, agrar sohasi va madaniy hayotida janubiy viloyatlar katta rol o'ynaydi.

Surxondaryo viloyati istiqlol yillarida Vatanimizning boshqa o'lkalari kabi ulkan ijobiy o'zgarishlar va taraqqiyotni boshdan kechirmoqda. Hayot va iqtisodiyotning turli sohalaridagi yangilanish aholining turmush tarzi, orzu va armonlari, jamiyatdagi mavqelarini ham o'zgartirdi. Jamiyatda bo'layotgan o'zgarishlarda matbuot sohasi vakillari ham o'z o'rniga ega albatta.

#### **ADABIYOTLAR RO'YXATI:**

1. Abduazimova N.A. Mustaqil O'zbekiston jurnalistikasi tarixi. T.: Davlat va jamiyat qurilishi akademiyasi, 2007.
2. T.M.Qozoqboyev, M.Xudoyqulov. "Jurnalistikaga kirish", - T.: "Iqtisod-Moliya", 2018. 53-bet.
3. <https://uz.wikipedia.org/wiki/To%CA%BBlqin> Hayit
4. [https://kitobxon.com/oz/yozuvchi/tulkin\\_hayit](https://kitobxon.com/oz/yozuvchi/tulkin_hayit)
5. //Surxon tongi. 2019-yil 19-yanvar. 5-son.

